



Broj: 02-02-1-645-2/24
Sarajevo, 10.06.2024.

N/r – direktora

PREDMET: Poziv za učešće u izlaganju bh. kompanija na štandu Vanjskotrgovinske/Spoljnotrgovinske komore Bosne i Hercegovine na sajmu PROWEIN 2025

Dizeldorf – Njemačka; (16. - 18.03.2025.)

Poštovani / a,

Obavještavamo Vas da Vanjskotrgovinska / Spoljnotrgovinska komora Bosne i Hercegovine (VTK/STK BiH), organizuje nastup proizvođača vina i alkoholnih pića iz Bosne i Hercegovine na sajmu PROWEIN 2025, koji će se održati u periodu od 16. – 18.03.2025. godine, u Dizeldorfu (Njemačka).

Sajam ProWein je već 30 godina najveći i najrelevantniji događaj u svijetu vina i alkoholnih pića i jedini je međunarodni sajam ove industrije koji obuhvata cijelo svjetsko tržište. Ovo garantuje kvalitetne masterklasove i degustacije u profesionalnoj atmosferi unutar izložbenih hala i veliki broj poslovnih transakcija.

Od svog prvog izdanja okuplja vodeće svjetske proizvođače vina i alkoholnih pića, dok su posjetioци uglavnom distributeri, ugostitelji, hotelijeri, malopradavci, enolozi i vinski eksperti. Visok internacionalni karakter sajma izdvaja ProWein od drugih sajmova vinske branše. Pored toga, ProWein karakteriše bogata i raznovrsna ponuda pratećih događaja. Posjetioци u Dizeldorfu imaju priliku da uživaju u degustacijama i prezentacijama..

Sajam ProWein 2024. godine održan je u Diseldorfu od 10. do 12. marta, gdje su se okupili vinski stručnjaci iz cijelog svijeta iz sektora maloprodaje, veleprodaje i ugostiteljstva. Fokus je bio na oko 5.400 izlagača iz 65 zemalja, a zabilježena je i brojka od 47.000 registrovanih posjetilaca iz 135 zemalja. Među prošlogodišnjim posjetiocima bio je povećan broj izvršnih direktora sa odlučujućim moćima (podaci su od strane samog organizatora sajma).

Takođe je bilo više od 300 masterklasova i događaja, kao i cijela Hala 5 posvećena žestokim pićima.



Manifestacija traje ukupno 3 dana tokom kojih se organizuje i veliki broj foruma, konferencija, sastanaka, prezentacija proizvoda i usluga, kao i promocija najnovijih trendova i inovativnih rješenja u segmentu vinske i alkoholne industrije.

VTK/STK BiH planira zakupiti prostor za potrebe predstavljanja i izlaganja bh. kompanija iz oblasti proizvodnje vina i alkoholnih pića. Zakup i opremanje prostora za potrebe promocije bh. proizvođača vina i alokoholnih pića na sajmu finansira Vanjskotrgovinska / Spoljnotrgovinska komora Bosne i Hercegovine.

S tim u vezi, VTK/STK BiH, kao glavni izlagač, dužna je izvršiti registraciju kompanija - suizlagača iz Bosne i Hercegovine na PROWEIN 2025.

Troškovi koje snosi Vanjskotrgovinska/Spoljnotrgovinska komora BiH su:

- Dio troškova **zakupa prostora**;
- **Ukupni troškovi uređenja štanda BiH (dizajn, izgradnja, transport i montaža štanda)**;
- **Obavezni unos u katalog izlagača - Messe Dusseldorf (u iznosu od 349,00 EUR po firmi)** za sve izlagače bh. štanda;
- **Logistika na štandu** (struja, čišćenje, osvježenje – voda, kafa, sokovi, grickalice..);
- Troškovi **pripremnih i marketing aktivnosti**.

Troškovi koje snose bh. kompanije:

- **Učešće u troškovima zakupa neuređenog prostora u iznosu kotizacije od 4.000,00 BAM + PDV (17%).**
- **Troškovi putovanja i hotelskog smještaja** za svoje predstavnike;
- **Troškovi transporta i špedicije svojih eksponata** do Dizeldorfa i nazad.

Kriteriji za učešće kompanija:

- Kompanije koje imaju iskustvo u izvozu i zapošljavaju barem jednu osobu koja aktivno govori engleski jezik;
- Kompanije koje su izvozno orijentisane na tržište EU i odgovaraju adekvatnim kvalitetom proizvodnje;
- Firma je aktivni član VTK/STKBiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj: 30/01 i 72/13) – eliminatoran kriterij;
- Firma je izmirila finansijske obaveze proizašle iz prethodnih nastupa na sajmovima koje je organizovala VTK/STKBiH i pokazala je profesionalan pristup prilikom ranijih izlaganja (razmjena informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.) – eliminatoran kriterij;



Selekcija učesnika

Zainteresovane kompanije koje do naznačenog roka dostave popunjenu Prijavu učešća i potpisan Sporazum o uslovima izlaganja na štandu BiH, ulaze u proces selekcije i biće rangirane prema gore navedenim kriterijima učešća. Firme koje uđu u uži izbor biće kontaktirane i, po potrebi, projektni tim će tražiti dodatne podatke (npr. fotografije proizvoda) i/ili organizovati posjetu firmi.

Ukoliko je Vaša kompanija zainteresovana da učestvuje u izlaganju na PROWEIN 2025, molimo Vas da popunite priloženi **Prijavni formular**, kao i **Ugovor o regulisanju obaveza**. Takođe, obavezno je da Vaša kompanija ima izmirene sve dosadašnje obaveze prema VTK/STK BiH, te da uredno plaća svoju članarinu.

Molimo da u dostavljenom Ugovoru unesete tražene informacije o svojoj kompaniji, potpišete i ovjerite Ugovor u 4 primjerka, te da isti uz Prijavni formular dostavite na slijedeću **adresu**:

Vanjskotrgovinska/Spoljnotrgovinska komora Bosne i Hercegovine

Branislava Đurđeva 10; 71 000 Sarajevo; Bosna i Hercegovina.

Rok za dostavu navedenih dokumenata je **ponedeljak, 24.06.2024.godine**.

Pored dostave tražene dokumentacije na adresu Vanjskotrgovinske/Spoljnotrgovinske komore Bosne i Hercegovine, a radi brže obrade podataka, molimo Vas da iste skenirate i proslijedite i na **e-mail: stanislava.perisic@komorabih.ba** .

Kontakt osoba za dodatne informacije o učešću na sajmu je Stanislava Perišić, stručni saradnik u BHEPA-i (**e-mail: stanislava.perisic@komorabih.ba** i **tel: 033 566 242**) i Darko Pehar, sekretar Grupacije proizvođača vina BiH (**e-mail: darko.pehar@komorabih.ba** i **tel: 036 333 651**).

Očekujući Vaš pozitivan odgovor, ostajemo

S poštovanjem,



Enes Ališković
direktor

Prilozi:

- Prijavni obrazac
- Sporazum

